

AVENTURA de FÈSTA

Dins un vilatge d'un canton de Nauta Arièja que pòdi pas nomençar, èra la fèsta votiva.

La costuma es que les musicians e fadrins fan le « torn de taula. » Le torn de taula es le torn que fan fèr a la musica per amassar d'argent.

Devant la pòrta de cada ostal abitat, les musicians de la fèsta jògan un bocin e les fadrins presentan le plat, fan censat la quista per pagar les *frè(i)sses* e totis donan mès o mens.

Arribadis devant l'ostal de Madelon, aqueste se presenta e d'una votz dolenta, en samucant gaireben, ça ditz : « Joguetz pas per l'amor de Dieu ! Èm dins la pena,. Non vos podèm pas donar res, ac comprendretz vosautris : la truèja se nos es mòrta en porcelhant. »

Les musicians e les fadrins respectèguen le dòl de la Madelon e se n'anèren cap a una outra maison.

Òm pòt pas rire quand òm a pas le còr content.